

INUIT ATAQATIGIIT

Inatsisartuni



Aasiaat 12. januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Pisortatigoortumik ullorsiorfiusut sulingiffiusinnaasartullu sulisitsisunit kikkunnit malinneqartussaataappat? Inuillu sulingiffeqarnissartik qanoq qulakkeerniarsinnaavaat? Pisortani namminersortuniluunniit suligunik.**
- 2. Pisortatigoortumik ullorsiorfiusuni sulingiffeqartoqartillugu Namminersorlutik oqartussanut, kommuninullu ulloq ilivitsaq, ullorluunniit affaq qanoq aningaasatigut naleqartarpa?**
- 3. Pisortatigoortumik ullorsiorfiusuni sulingiffeqartoqartillugu namminersortunut ulloq ilivitsaq, ullorluunniit affaq qanoq aningaasatigut naleqartarpa?**

(Inatsisartuni ilaasortaq Peter Olsen, Inuit Ataqatigiit)

Tungavilersuut:

Pisortatigoortumik ullorsiorfiusartut nammineerluta kalaallit pigisatsinni eqqaasinnaasarput tassaavoq inuiattut ullorsiornerput junip 21-ani, tassa ullortuneq. Pisortatigoortuusunik ullorsiornerit kikkunnut atuuttarnersut kikkunnillu malinneqartussaarnersut paaserusunnarpoq.

Kiisalu pisortat suliffeqarfiinut aammalu namminersorlutik suliffeqarfiutilinnut pisortatigoortumik ullorsiorfiusartut aningaasaqarnikkut qanoq kinguneqartarnersut paaserusunnarpoq, ullup affaannaappat ullorluunniit ilivitsaq ullorsiorfiugaangat.

Qinnutigissavara apeqquqteqaatima ullut suliffiusut qulit iluanni akineqarumaartut.